

VLADA ZENIČKO-DOBOJSKOG KANTONA
Ministarstvo za rad, socijalnu politiku i izbjeglice

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj: 12/03, 34/03 i 65/13), člana 5. Zakona o organizaciji penzijskog i invalidskog osiguranja Federacije BiH („Službene novine Federacije BiH“, broj: 49/00, 32/01 i 18/05) i Odluke Vlade Federacije BiH o kriterijima za izbor i imenovanje članova Upravnog odbora Federalnog zavoda za penzijsko i invalidsko osiguranje V.broj: 660/2020 od 12.05.2020. godine, Ministarstvo za rad, socijalnu politiku i izbjeglice Zeničko-dobojskog kantona objavljuje

JAVNI OGLAS
za nominiranje kandidata za upražnjenu poziciju člana
Upravnog odbora Federalnog zavoda za penzijsko i invalidsko
osiguranje sa područja Zeničko-dobojskog kantona

1. Oglašava se upražnjena pozicija u Upravnom odboru Federalnog zavoda za penzijsko i invalidsko osiguranje sa područja Zeničko-dobojskog kantona:

- **Član Upravnog odbora – 1 član.**

2. Opis pozicije:

Zajedno sa ostalim članovima Upravnog odbora vrši poslove od značaja za oblast penzijskog i invalidskog osiguranja, i to: donošenje Statuta i drugih općih akata Federalnog zavoda, donošenje finansijskog plana, usvajanje godišnjeg obračuna i izvještaja o radu Federalnog zavoda, utvrđuje stope doprinosa u okviru zakonskih ovlaštenja, utvrđivanje osnovice za obračun i uplatu doprinosa koje nisu propisane posebnim zakonima, imenovanje i razrješavanje direktora i zamjenika direktora Središnje i kantonalnih službi, imenovanje komisija i drugih radnih tijela Upravnog odbora, utvrđivanje organizacije Središnje i kantonalnih službi kao i sistematizacije poslova u tim službama, staranje o blagovremenom priticanju sredstava za penzijsko i invalidsko osiguranje, ima odgovornost da održi fiskalni balans i ne dozvoli stvaranje obaveza prema korisnicima bilo novčanih ili u vidu vrijednosnih papira koje se ne mogu pokriti iz prihoda, zaključivanje po potrebi ugovore sa nosiocima penzijskog i invalidskog osiguranja Republike Srpske, vršenje i drugih poslova u skladu sa zakonom, Statutom i drugim općim aktima Federalnog zavoda.

3. Svaki kandidat za upražnjenu poziciju treba da ispunjava slijedeće opće i posebne uslove:

Opći uslovi:

- da je državljanin Bosne i Hercegovine;
- da je stariji od 18 godina;
- da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini, u periodu od tri godine prije dana objavljivanja upražnjene pozicije;
- da nije obuhvaćen odredbama člana IX.1. Ustava Bosne i Hercegovine;
- da nije izabrani stranački zvaničnik, nosilac javne funkcije, savjetnik u smislu Zakona o sukobu interesa u organima vlasti u Federaciji Bosne i Hercegovine („Službeni novine Federacije BiH“, broj: 70/08);

Posebni uslovi:

- da posjeduje univerzitetsku diplomu (VII stepen), odnosno visoko obrazovanje prvog ciklusa (koji se vrednuje sa 240ECTS bodova) ili drugog ili trećeg ciklusa Bolonjskog sistema studiranja;
- da u pogledu radnog iskustva ima najmanje 5 (pet) godina na poslovima visoke stručne spreme, po sticanju fakultetske diplome u oblasti javnih finansija, posebno u oblasti penzijsko-invalidskog osiguranja;
- da nema privatni finansijski interes u Federalnom zavodu za penzijsko i invalidsko osiguranje u čiji se Upravni odbor kandiduje;

- da nije predsjednik ili član nadzornog ili upravnog odbora u drugom pravnom licu sa većinskim državnim kapitalom.
4. Prilikom procjene kvalifikacija i iskustva u obzir će se uzeti i kriteriji navedeni u ovoj tački, a koji će se izraziti u bodovima od 1. do 5.:
- rezultati ostvareni u dosadašnjem radu,
 - sposobnost upravljanja finansijskim sredstvima i ljudskim resursima,
 - sklonost prema timskom radu,
 - komunikacijske i organizacijske sposobnosti.
5. Članovi Upravnog odbora Federalnog zavoda za penzijsko i invalidsko osiguranje imenuju se na period od dvije (2) godine, sa mogućnošću ponovnog imenovanja.
6. Svi kandidati koji budu ušli u uži izbor bit će pozvani na intervju i popuniti će obrazac, u kojem će iznijeti bilo koje pitanje koje bi moglo dovesti do sukoba interesa u slučaju da dođe do njegovog imenovanja. Obrasci će se dostaviti kandidatima prije intervjua. Kandidati koje nakon intervjua preporuči Komisija za nominiranje, smatrat će se da su najuspješnije prošli otvorenu konkurenciju. Nominiranje kandidata za člana Upravnog odbora izvršit će Vlada Zeničko-dobojskog kantona na osnovu rang liste kandidata koji su najuspješnije prošli otvorenu konkurenciju, a člana Upravnog odbora konačno će imenovati Vlada Federacije Bosne i Hercegovine.
7. Uz prijavu kandidati treba da dostave kraću biografiju, adresu, kontakt telefon i sljedeću dokumentaciju:
- Uvjerenje o državljanstvu (ne starije od 6 mjeseci) ili kopiju CIPS lične karte;
 - Rodni list (ne starije od 6 mjeseci) ;
 - Univerzitetsku diplomu;
 - Dokaz o radnom iskustvu nakon završene VSS, odnosno visokog obrazovanja prvog ciklusa (koji se vrednuje sa 240ECTS bodova) ili drugog ili trećeg ciklusa Bolonjskog sistema studiranja u oblasti javnih finansija, posebno u oblasti penzijsko-invalidskog osiguranja;
 - Ovjerenu izjavu kandidata iz tačke 3. ovog oglasa – opći uslovi, alineje 3., 4. i 5.

Svi priloženi dokumenti moraju biti u originalu ili ovjerenoj kopiji.

8. U slučaju kada postoje dokazi da u postupku imenovanja nisu ispoštovani principi ili postupci utvrđeni Zakonom o ministarskim, vladinim ili drugim imenovanjima Federacije Bosne i Hercegovine, bilo koji kandidat ili zainteresovana stranka, može podnijeti prigovor na konačno imenovanje. Prigovor se podnosi Vladi Federacije Bosne i Hercegovine, a kopija se dostavlja Ombudsmenu za ljudska prava BiH.
9. Lični podaci o podnosiocima prijava su tajni i mogu se prikupljati i obrađivati samo u skladu sa Zakonom o zaštiti ličnih podataka BiH („Službeni glasnik BiH“; broj: 49/06, 76/11 i 89/11).
10. Neblagovremene i nepotpune prijave neće biti razmatrane.
11. Ovaj Oglas bit će objavljen u „Službenim novinama Federacije BiH“ i dnevnom listu „Dnevni avaz“. Oglas ostaje otvoren četrnaest (14) dana od dana posljednjeg javnog objavljivanja.
12. Prijave sa svim traženim dokumentima, treba dostaviti lično na protokol Zeničko-dobojskog kantona ili poštom preporučeno, u zatvorenim kovertama sa naznakom „Prijava na Javni oglas za nominiranje na poziciju člana UO FZ PIO/MIO sa područja Zeničko-dobojskog kantona – ne otvaraj“, na sljedeću adresu:

ZENIČKO-DOBOJSKI KANTON
Ministarstvo za rad, socijalnu
politiku i izbjeglice
Ul. Kučukovići br. 2
72000 Zenica